

temperando; (3.) flatus discutiendo & removendo. Hæc ut in actum deducamus, præsidia ex triplici fonte depromenda venient. Esto igitur ex *Fonte Chirurgico Vene sectio*, quam, si vires & reliquæ circumstantiæ concesserint, sanguisque tam quantitate & qualitate, quam motu peccet, in saphanâ institui poterit, undè eandem ac in mensium obstructione promittimus medelam, siquidem hæc ratione sanguis ventilatur, grumescencia tollitur, motusque restituitur ordinarius. de quo venæsectionis usu passim vid. Autores. Non desunt verò, qui præsidium hoc in dubium vocare audent, crepantes, post partum eximiam sanguinis excerni quantitatem, nullamque Venæsectionis adesse indicationem, imò remedium esse huic statui planè improportionatum & incongruum; quibus tamen respondemus, non promiscuè sanguinis detractionem esse svadendam, nec si lochia ritè fluant; sed cum hæc substiterint & dolorum à nobis explicatorum causa existant, quæ non commodiori auxilio, nisi V.S. junctis simul sanguinem resolutivibus, tolli potest. Quod si ægra abhorreat, cucurbitule femoribus & suris applicentur, pro aliquali derivatione & sanguinis *στάσις* solutione. Majorem tamen opem ferent, *Frictiones*, quæ si pannis asperis fiant, sanguinis & feri subsistentis excitatur motus, quò sic lochiorum promoveatur profluvium & dolorum cessent insultus. Addit *Riverius Prax. Med. lib. 15. cap. 23. Ligaturas*, ut venter puerperæ fasciâ leniter constringatur, quò uterus subsideat, & lochiorum hæc ratione promoveatur effluxus.

§. XXI.

Ex *Pharmaceuticis* producimus aperientia, paregorica, carminativa, nervina; quibus omne punctum quam facillimè absolvi potest. *Purgantibus* nullus ferè hæc concedi posse videtur locus, nisi sint *mitiora* nec non alvi diutina adstrictio, excrementorumque duriorum retentio urgeat. Convenient *Digestiva ex cremor. & crystall.* ♀, ♀ *Glac. pulv. ex crystall.* ♀, ♀ *Glac. & ♂ c. o. anis. fœniculi.* His jungatur, *decoct. fol. senn. c. prunis.*

prunis.